

Broj: 02-210-3 /21

Datum: 12.02.2021. godine

Na osnovu člana 33. Zakona o osnivanju Nezavisnog operatora sistema za prijenosni sistem u Bosni i Hercegovini ("Službeni glasnik BiH" broj 35/04), članova 70. i 89. Zakona o javnim nabavkama ("Službeni glasnik BiH", broj 39/14), člana 25. Statuta Nezavisnog operatora sistema u Bosni i Hercegovini ("Službeni glasnik BiH", broj 89/16 i 84/18), a u skladu sa Pravilnikom o uslovima i načinu korištenja e-aukcije ("Službeni glasnik BiH", broj 66/16), generalni direktor donosi:

ODLUKU O IZBORU NAJPOVOLJNIJEG PONUĐAČA

Član 1.

U skladu sa članovima 70. i 89. Zakona o javnim nabavkama, Planom javnih nabavki za 2020. godinu u NOSBiH-u, Pravilnikom o uslovima i načinu korištenja e-aukcije i provedenom postupku konkurentskog zahtjeva za "Nabavka sistema za skladištenje back up-a na trake" broj: T-NOSBIH-K-08/20 usvaja se odluka o izboru najpovoljnijeg ponuđača za "**Nabavku sistema za skladištenje back up-a na trake**" od ponuđača **Konzorcij Unis Telekom d.d. Mostar-TeleGroup d.o.o. Banja Luka** po ukupnoj cijeni od **21.000,00 KM** bez uključenog PDV-a.

Član 2.

Na portalu javnih nabavki objavljeno je Obavještenje o nabavci broj: 1253-7-1-37-3-31/20 za nabavku iz člana 1. ove Odluke.

Član 3.

U postupku konkurentskog zahtjeva za nabavku iz člana 1. ove Odluke zaprimljene su dvije (2) ponude, koje su dostavljene blagovremeno i to:

Ponuda Konzorcija: Unis Telekom d.d. Mostar-TeleGroup d.o.o. Banja Luka

Ponuda Digitarija d.o.o. Sarajevo;

Član 4.

Predmet nabavke iz člana 1. evidentirati će se kao stalno sredstvo na poziciju "Softver za zaštitu od cyber napada" u skladu sa Rebalansom Plana investicija NOSBiH-a za 2020. godinu.

Član 5.

Ova Odluka stupa na snagu danom donošenja.

Obrazloženje

Nakon što je Ugovorni organ donio Odluku o izboru najpovoljnijeg ponuđača broj: 02-1354-2/20 od 16.12.2020. godine, Konzorcij: Unis Telekom d.d. Mostar – TeleGroup d.o.o. Banja Luka kao drugorangirani ponuđač u predmetnom postupku, u skladu sa članom 11. stav (5) Zakona o javnim nabavkama izvršio je uvid u ponudu ponuđača Digitarija d.o.o. Sarajevo koji je u predmetnom postupku odabran kao najpovoljniji za predmetnu nabavku. Konzorcij: Unis Telekom d.d. Mostar – TeleGroup d.o.o. Banja Luka je izjavio Žalbu na Odluku o izboru najpovoljnijeg ponuđača.

Ured za razmatranje žalbi je donio Rješenje broj: JN2-01-07-1-3732-7/20 od 20.01.2021. godine kojim se usvaja žalba grupe ponuđača: Unis Telekom d.d. – Telegroup d.o.o. i poništio Odluku o izboru najpovoljnijeg ponuđača broj: 02-1354-2/20 od 16.12.2020. godine te je predmet vraćen prvostepenom organu na ponovni postupak, pa je Komisija za nabavke ponovo izvršila evaulaciju ponuda.

Ponuđač Konzorcij: Unis Telekom d.d. Mostar – TeleGroup d.o.o. Banja Luka je ispunio sve kvalifikacijske uslove iz tačaka 11. i 12. Tenderske dokumentacije.

Ponuđač Digitarija d.o.o. Sarajevo nije ispunio sve kvalifikacijske uslove. Ponuđač Digitarija d.o.o. Sarajevo je kao dokaz o ispunjavanju uslova 2 iz tačka 12.2 tenderske dokumentacije, dostavio certifikat CompTia koji nije tražen tenderskom dokumentacijom i na taj način nije ispunio kvalifikacijski uslov. U skladu sa Rješenjem Ureda za razmatranje žalbi broj: JN2-01-07-1-3732-7/20 od 20.01.2021. godine, isti se ne može prihvatiti kao dokaz za ispunjavanje kvalifikacijskog uslova 2) iz tačke 12.2 tenderske dokumentacije.

U skladu sa članom 68. Stav (4) tačka i) Zakona o javnim nabavkama, Ugovorni organ odbacuje ponudu ponuđača Digitarija d.o.o. Sarajevo jer nije potpuna i ne ispunjava uslove iz tenderske dokumentacije. U skladu sa članom 44. Stav (6) Zakona o javnim nabavkama, samo onim kandidatima/ponuđačima čije kvalifikacije zadovoljavaju uslove utvrđene u tenderskoj dokumentaciji dopušteno je da nastave postupak javne nabavke.

Uzimajući u obzir zadovoljavanje kvalifikacijskih uslova i cijenu ponude, zaključeno je da je ponuda ponuđača **Konzorcij: Unis Telekom d.d. Mostar-Tele Group d.o.o. Banja Luka** u ukupnom iznosu od **21.000,00 KM** bez PDV-a jedina prihvatljiva ponuda te automatski ponuda sa najnižom cijenom, što je bio kriterij za dodjelu ugovora.

POUKA O PRAVNOM LIJEKU: Žalba na ovu Odluku se može izjaviti ugovornom organu, u pisanoj formi u dovoljnom broju primjeraka (ne manji od tri), najkasnije 5 dana po prijemu Odluke.

Generalni direktor
dr Milodrag Košarac



Dostaviti:

- Ponuđaču Konzorcij: Unis Telekom d.d. Mostar – TeleGroup d.o.o. Banja Luka;
- Ponuđaču Digitarija d.o.o. Sarajevo;
- Služba ekonomskih i finansijskih poslova
- Služba za pravne poslove i radne odnose
- a/a